

第四五册

博物彙編

藝術典

醫部

卷
二十四至
二十五

古今圖書集成

中華書局影印



古今圖書集成

中華書局影印

欽定古今圖書集成博物彙編藝術典
第二百八十四卷目錄

醫部彙考二百六十四

大小便門一

黃帝素問 陰陽應象大論 玉機真藏論 靈樞經 邪氣盛則病形篇 營衛生會篇 五藏津液別篇 五藏五味篇 九經 靈樞經 五藏津液別篇 營衛生會篇 五藏五味篇 九經

靈樞經 邪氣盛則病形篇 營衛生會篇 五藏津液別篇 五藏五味篇 九經

張機金匱要略 大便難 小便數 小便不利

王叔和脈訣 大小便病脈

孫思邈千金方 問案

朱肱活人書 大便 小便 遺尿

劉完素六書 大小便秘澀

李杲十書 便赤澀宜五苓散

王履源洞集 小便原委論

朱震亨心法 燥結 脾約九論 論通大便禁

虞搏醫學正傳 秘結論 小便赤澀

戴思恭證治要訣 大便秘 閉澀 頻數遺尿

王綸明醫雜著 不禁頻數

樓英醫學綱目 問案 不利

李梴醫學入門 大便燥結 小便不通 小便

李中梓醫宗必讀 大便不通 傷寒小便不利 小

薛己醫案 小便證治

藝術典第二百八十四卷
醫部彙考二百六十四

大小便門一

黃帝素問

陰陽應象大論

清陽出上竅濁陰出下竅陰味出下竅陽氣出上竅

註人之清陽本乎天而出上竅人之濁陰本乎地

而出下竅味有質故下流於便瀉之竅氣無形故

上出於呼吸之門

玉機真藏論

冬脈不及則令人心懸如病饑飢中清脊中痛少腹

滿小便變

註腎為生氣之原不及則心腎水火之氣不能交

濟故令人心懸如病饑腎之生陽不足故飢中冷

腎虛而不能施化故小便變而少腹滿也

標本病傳論

脾病身痛體重一日而脹二日少腹腰脊痛脛痠三

日背筋痛小便閉十日不已死冬人定夏晏食

註病先發於脾則身痛體重一日而之胃則脹二

日而之腎則少腹腰脊痛脛痠三日而之膀胱則

背筋痛小便閉十日不已死冬之人定在亥謂

土敗而水勝也夏之晏食在寅木旺而土絕也

腎病少腹腰脊痛脛痠二日背筋痛小便閉三日

腹脹三日兩脅支痛三日不已死冬大晨夏晡

註病先發於腎則少腹腰脊痛三日而之腎膀胱

則背筋痛小便閉三日而之胃則腹脹三日而

之肝則兩脅支痛冬之大明在辰土旺而水滅也

夏之晏晡在亥水絕而不能生也

胃病脹滿五日少腹腰脊痛脛痠三日背筋痛小

便閉五日身體重六日不已死冬夜半後夏日晡

註病先發於胃故脹滿五日而之腎則少腹腰脊

痛脛痠三日而之膀胱則背筋痛小便閉五日

日而之脾則身體重再六日不已而死冬夜半後

者土敗而水勝也夏日晡者乃陽明所主之時土

絕而不能生也

膀胱病小便閉五日少腹腰脊痛脛痠一日腹脹

一日身體痛二日不已死冬雞鳴夏下晡

註病先發於膀胱則小便閉五日而之腎則少腹

腰脊痛一日而之胃則腹脹一日而之脾則身

體痛冬雞鳴在丑乃太陽少陽生氣之時氣絕而

不能生夏下晡乃陽明生氣之時陽明之氣亦絕

奇病論

帝曰有癰者一日數十溲此不足也身熱如炭頸膈

如格人迎躁盛喘息氣逆此有餘也太陰脈微細如

髮者此不足也其病安在名為何病岐伯曰病在太

陰其盛在胃頰在肺病名曰厥死不治此所謂得五

有餘二不足也帝曰何謂五有餘二不足岐伯曰所

謂五有餘者五病氣之有餘也二不足者亦病氣之

不足也今外得五有餘內得二不足其身不表不

裏亦正死明矣

註陽明乃燥熱之經從中見太陰之濕化太陰不

足則胃氣熱而人迎躁盛胃氣上逆頗關在肺而

為喘息氣逆胃氣盛強不能遊溢精氣而太陰不

足矣太陰不足則五臟六腑皆無所受氣而為厥

逆之死證五有餘者謂身熱如炭頸膈如格人迎躁盛喘息而氣逆此五病氣之有餘二不足者病瘥一日數十洩太陰脈微細如髮亦病氣之不足陽明主表外得五有餘不能行氣於表之三陽太陰主裏內得二不足不能行氣於裏之三陰此其身之表裏陰陽皆為斷絕其死明矣

厥論

太陰之厥則腹滿臍脹後不利

註足太陰之脈入腹屬脾故厥則腹滿臍脹食飲入胃脾為轉輸逆氣在脾故後後便不利

少陰之厥則口乾溺赤

註足少陰經脈厥逆則肺金不能通調於下故溺赤

厥陰之厥則少腹腫痛腹脹淫澀不利

註足厥陰之脈內抵少腹挾胃屬肝絡膽故厥則少腹腫痛而腹脹其下循陰股入毛中環陰器抵少腹是以淫澀不利

厥陰厥逆攣腰痛虛滿前閉

註腰者肝之表也虛滿者食氣不能散精於肝也前閉者肝主疎泄也

三陰俱逆不得前後使人手足寒三日死

註三陰俱逆自陰與陽別矣不得前後者陰關於下也諸陽之氣皆生於陰三陰俱逆則生氣絕滅是以手足寒而三日死

靈蘭秘典論

三焦者決瀆之官水道出焉

註三焦下俞出於委陽竝太陽之正入絡膀胱約

下焦實則閉癥虛則遺溺三焦主氣氣化則水行故為決瀆之官也

膀胱者州都之官津液藏焉氣化則能出矣

註膀胱為水腑乃水液都會之處故為州都之官水穀入胃濟泌別汁循下焦而滲入膀胱故為津液之所藏氣化則水液運行而下出矣

五臟別論

魄門亦為五臟使水穀不得久藏

註魄門肛門也上合於肺故名魄門五臟之濁從此而出故亦為五臟之下竅腸胃之腐穢從此而瀉出故曰水穀不得久藏

氣厥論

黃帝問曰五臟六腑寒熱相移者何岐伯曰胞移熱於膀胱則癰溺血

註膀胱者胞之室也衝任起於胞中為經血之海胞移熱於膀胱是經血之邪移於膀胱故溺血熱則水道燥涸故癰閉也

五常政大論

涸流之紀其病癰閼邪傷腎也

註癰閼邪傷腎而腎氣不化也

宣明五氣論

五氣所病膀胱不利為癰不約為遺溺

註靈樞經曰三焦下輸出於委陽竝太陽之正入絡膀胱約下焦實則閼癥虛則遺溺遺溺則補之閼癥則瀉之

六元正紀大論

陽明司天之政初之氣小便黃赤

註陰凝於外則陽鬱於內故民病便赤調經論

形有餘則腹脹淫澀不利

註淫大便澀小便也

至真要大論

太陰司天濕淫所勝大便難

註腎開竅於二陰故大便難

少陰司天熱淫所勝民病溺色變

註溺色變肺經之病蓋火淫而金氣受傷也

厥陰之勝小便黃赤

註小便黃赤木淫而生火也

少陽之復渴飲水漿色變黃赤

註渴飲水漿陽明胃金燥也太陰濕土主四之氣色變黃赤者火土相合也

少陽在泉客勝甚則下白溺白

註甚則下白溺白者病及於陽明太陰之主氣也蓋金主氣氣化則溺出溺白者氣不化而溺不清也下白者土氣傷而大便色白也

歲太陰在泉少腹腫脹不得小便

註少腹腫不得小便乃膀胱經病蓋土氣淫勝而水臟水腑皆為病也

歲少陽在泉火淫所勝民病注瀉赤白少腹痛溺赤

甚則血便少陰同候

註熱傷血分則注赤熱傷氣分則注白熱在下焦故少腹痛而溺赤甚則血出於小便也少陰之火出自水少陽之火生於地故與少陰同候

厥陰之勝化而為熱小便黃赤

註木淫而生火也

少陽之勝耳聾溺赤

註熱淫於下則為溺赤

少陰在泉客勝則溲便變

註溲便變者水火相交火淫於下也

太陰在泉客勝則便溲不時

註此在泉之濕氣客於太陰之經下及於內也

諸病水液澄澈清冷皆屬於寒諸轉反戾水液渾濁皆屬於熱

註反戾了戾也

刺熱篇

肝熱病者小便先黃

註肝主疎泄故小便黃赤

靈樞經

邪氣臟腑病形篇

肝脈微滑為遺溺

註肝主疎泄肝氣盛而熱故遺溺也

脾脈滑甚為瘕瘕

註脾為陰濕之土濕熱則為疝瘕為小便閉癰

腎脈微急為不得前後滑盛為瘕瘕

註腎為生氣之原開竅於二陰氣虛不化故不得

前後有熱則為小便閉癰為舉丸腫瘕

營衛生會篇

黃帝曰願聞下焦之所出岐伯答曰下焦者別迴腸注於膀胱而滲入焉故水穀者常并居於胃中成糟粕而俱下於大腸而成下焦滲而俱下濟泌別汁循下焦而滲入膀胱焉

註下焦之部署在胃之下口別走於迴腸注於膀胱而滲入焉故水穀者常并居於胃中成糟粕而俱下於大腸就下焦之氣濟泌別汁循下焦之經而滲入膀胱氣化則出矣

經脈篇

肺手太陰之脈是主肺所生病者氣盛有餘則肩背

痛風寒汗出中風小便數而欠氣虛則肩背痛寒少

氣不足以息溺色變

註氣之盛虛者謂太陰之氣也溺色變者氣虛而不化也

胃足陽明之脈有餘於胃則消穀善饑溺色黃

註氣盛於內也

肝足厥陰之脈是主肝所生病者胃滿嘔逆飧泄狐

疝遺溺閉癰

註肝氣虛則飧泄遺溺實則閉癰

五癰津液別篇

天寒則腠理閉氣濕不行水下流於膀胱則為溺與

氣

天寒則腠理閉三焦之氣因濕而不行津水下

流於膀胱則為溺與氣氣化而出者為溺藏於膀胱者化生太陽之氣也

五味篇

酸走筋多食之令人癰酸入於胃其氣澀以收上之

兩焦弗能出入也不出則留於胃中胃中和溫則下

注膀胱膀胱之脆薄以濡得酸則縮絀約而不通水道不行故癰陰者積筋之所終也故酸入而走筋

註酸氣收澀故弗能出於上之兩焦不出則留於

筋也

九鍼篇

膀胱不約為遺溺下焦溢為水

註膀胱不約而為遺溺下焦如瀆水道出焉病則反溢而為水病矣

漢張機金匱要略

大便難

腹滿篇曰痛而閉者厚朴三物湯主之

五臟篇曰跌陽脈浮而濇浮則胃氣強濇則小便數

浮濇相搏大便則堅其脾為約麻子仁丸主之

消渴篇曰跌陽脈數胃中有熱即消穀引食大便必

堅小便即數

小便數

消渴篇曰跌陽脈浮而數浮即為氣數即消穀而大

堅氣盛則溲數溲數即堅堅數相搏即為消渴

小便不利

濕痹篇曰太陽病關節疼痛而煩脈沉而細者此名

濕痹濕痹之候小便不利大便反快但當利其小便

血痹篇曰男子脈虛沉弦無寒熱短氣裏急小便不利

利面色白時目瞑兼衄少腹滿此為勞使之然

虛勞腰痛少腹拘急小便不利八味腎氣丸主之

消渴篇曰小便不利者有水氣其人若渴苦蕪麥

丸主之

小便不利蒲灰散主之滑石白魚散茯苓戎鹽湯並主之

脈浮發熱渴欲飲水小便不利者猪苓湯主之

水氣篇曰裏水者一身面目黃腫其脈沉小便不利故令病水假如小便自利此亡津液故令渴也越婢加水湯主之

跌陽脈當伏今反數本自有熱消穀小便數今反不利此欲作水

寸口脈浮而遲浮脈則熱遲脈則潛熱潛相搏名曰沉跌陽脈浮而數浮脈即熱數脈即止熱止相搏名曰伏沉伏相搏名曰水沉則絡脈虛伏則小便難虛難相搏水走皮膚即為水矣

少陰脈緊而沉緊則為痛沉則為水小便即難脈得諸沉當貴有水身體腫重水病脈出者死

夫水病人目下有臥蠶面目鮮澤脈伏其人消渴病水腹大小便不利其脈沉絕者有水可下之

問曰病下利後渴飲水小便不利腹滿因腫者何也答曰此法當病水若小便自利及汗出者當自愈

肺水者其身腫小便難時時鴨渚

脾水者其腹大四肢苦重津液不生但苦少氣小便難

腎水者其腹大臍腫腰痛不得溺陰下濕如牛鼻上汗其足逆冷面反瘦

師曰寸口脈沉而遲沉則為水遲則為寒寒水相搏跌陽脈伏水穀不化脾氣衰則驚漉胃氣衰則身腫

少陽脈卑少陰脈細男子則小便不利婦人則經水不通經為血血不利則為水名曰血分

問曰病者苦水面目身體四肢皆腫小便不利脈之不言水反言胃中痛氣上衝咽狀如炙肉當微欬喘審如師言其脈何類師曰寸口脈沉而緊沉為水緊為寒沉緊相搏結在關元始時當微年盛不覺陽衰之後榮衛相干陽損陰盛結寒微動腎氣上衝喉咽塞噎脅下急痛醫以為蓄飲而大下之氣擊不去其病不除後重吐之胃家虛煩咽燥欲飲水小便不利水穀不化面目手足浮腫又與葶蘆丸下水當時如小差食飲過度腫復如前胃弱苦痛象若奔豚其水揚溢則浮欬喘逆當先攻擊衛氣令止乃治欬欬止其喘自差先治新病當在後

黃疸篇曰跌陽脈緊而數數則為熱熱則消穀緊則為寒食即為滿尺脈浮為傷腎跌陽脈緊為傷脾風寒相搏食穀即眩穀氣不消胃中苦濁濁氣下流小便不通陰被其寒熱流膀胱身體盡黃名曰穀疸陽明病脈遲者食難用飽飽則發煩頭眩小便必難此欲作穀疸雖下之腹滿如故所以然者脈遲之故也

夫病酒黃疸必小便不利其候心中熱足下熱是其證也

脈沉渴欲飲水小便不利者皆發黃

黃疸腹滿小便不利而赤自汗出此為表和裏實當下之宜大黃硝石湯

晉王叔和脈訣

大小便病脈

肺脈歌曰肺脈浮兼實咽門燥又傷大便難且澀鼻內之聲香

浮脈歌曰尺部見之風入肺大腸乾澀故難通雜病歌曰內實腹脹痛滿盈心下牢強乾嘔頻手足煩熱脈沉細大小便澀死多真

實脈歌曰尺部如繩應指來腹脹小便應不禁洪脈歌曰洪向尺中還若是小便赤澀脚酸疼沉脈歌曰沉在尺中腰脚重小便稠數色如泔

察色觀病生死候歌曰體重溺出時不止肉絕六日便高拊

唐孫思邈千金方

閉塞

人有因時疾瘥後得閉塞不通遂致天命大不可輕之所以備述雖非死病若不明藥餌者拱手待斃深可痛哉單服諸方以虞倉卒耳凡大便不通皆用滑膩之物及冷水並通也凡面黃者即知大便難宋朱肱活人書

大便

問手足逆冷而大便秘小便赤或大便黑色脈沉而滑曰此名陽證似陰也重陽必陰重陰必陽寒暑之變也假令手足逆冷而大便秘小便赤或大便黑色其脈沉而滑者皆陽證也輕者白虎湯甚者承氣湯傷寒失下血氣不通令四肢逆冷此是伏熱深故厥亦深速用大承氣加分刺下之汗出立差熱厥與陰厥自不同熱厥者微厥即發熱若陰厥即不發熱四肢逆冷惡寒脈沉而細大小便滑泄問有數日不大便有大便難有大便鞭有燥屎有大便澀曰傷寒數日不大便大便鞭及有燥屎皆知有用大柴胡大承氣小承氣攻之然仲景論大便不通

亦有數種不可攻者

仲景又有陽結陰結之論不可不別也其脈浮而數能食不大便此為實名曰陽結宜用小柴胡湯所謂和其榮衛以通津液縱不了了得屎而解也其脈沉而遲不能食身體重大便反難名曰陰結宜用金液丹所謂陽盛則促陰盛則結促結同也

又問大便溏者何也古人云歲火不及寒乃大行民病驚漉大率病人腸中有寒即大便鴨漉蓋漉者胃中冷水穀不別故也華佗云寒即漉熱即垢仲景說初鞭後漉有二證小便不利小便少皆水穀不分耳

小便

問小便不利小便難曰傷寒發汗後小便多亡津液胃中極乾故小便不利醫見小便不利往往利之誤矣類纂云胃中乾則無小便慎不可利故仲景云下之後復發汗小便不利者亡津液耳若傷寒引飲下焦有熱小便不通脈浮者五苓散脈沉者猪苓湯也表不解心下有水發熱而欬小腹滿小便不利者小青龍湯去麻黃加茯苓也傷寒無汗翕翕發熱頭項強痛小便不利者桂枝湯去桂加茯苓白朮也嘔而發熱胃弱滿心下怔忡小便不利者小柴胡湯去黃芩加茯苓少陰病小便不利者四逆湯加茯苓也大抵中濕與發黃以利小便為先陽明汗多以利小便為戒

又問小便難何也曰陰虛故也陰虛者陽必湊之為陽所湊也故小便黃者中有熱也宜瞿麥滑石之類瀉之太陽病發汗遂漏不止其人惡風小便難四肢微急難以屈伸者桂枝加附子湯主之陽明中風脈

弦浮大短氣腹滿脅下及心痛鼻乾不得汗嗜臥身黃小便難潮熱而嘔者小柴胡加茯苓主之

問小便自利小便數曰太陽證下焦有熱小腹必滿應小便不利而小便反利者下血證也抵當湯主之陽明證自汗出應小便少而小便自利者津液內竭也屎雖硬不可攻也當用蜜煎導之少陰證四逆而小便自利者虛寒證也四逆湯真武湯去茯苓

又問小便數者何也曰腎與膀胱俱虛而有客熱乘之二經既虛致受於客熱虛則不能制水故令數小便熱則水行溫溫則小便不快故令數起診其跌陽脈數胃中熱即消穀引飲大便必硬小便即數太陽病自汗四肢拘急難以屈伸心煩微惡寒脚攣急若小便數者慎不可行桂枝宜與甘草乾薑湯芍藥甘草湯大抵溲數則大便難仲景云跌陽脈浮而漉浮則胃氣強漉則小便數浮漉相搏大便則鞭其脾為約麻子仁丸主之太陽病若汗若吐若下後微煩小便數大便因鞭者小承氣湯和之愈

又云傷寒脈浮自汗小便數者胃中不和譫語者少與調胃承氣湯

問一身盡痛發熱身黃小便不利大便反快者曰此名中濕也風雨襲虛山澤蒸氣人多中濕濕流關節須身體煩痛其脈沉緩為中濕主一身盡痛發熱身黃小便自利者未附湯若小便不利大便反快當利其小便宜甘草附子湯五苓散主之

遺尿

問腹滿身重難以轉側口中不仁面垢譫語遺尿曰此三陽合病也白虎湯主之不可發汗汗之則譫語

下之則額上生汗手足逆冷若自汗者白虎加人參金劉完素六書

大小便祕澀

閭俗作祕大便澀滯也熱耗其液則糞堅結而大腸燥澀緊斂故也謂之風熱結者謂火甚制金不能平木則肝木自旺故也故大便澀而悶者燥熱在於腸胃之外而濕熱在內故也義同泄痢後重之義

大腸小腸移熱名慮瘕津液耗散不能滑利苑結而大腸閼澀橫痃圖主之

小腹痛不得大小便邪氣入客約而不行故穀氣不得通也枳殼丸主之

小腹膀胱按之內痛若沃以湯澀於小便上為清涕太陽直行從巔入循於腦氣下灌於鼻時出清涕不止腎著湯主之

食已如餓胃熱能消穀陽明脈絡心火上行心憤煩面黃小便赤澀也

元李杲十書

結燥論

金匱真言論云北方黑色入通於腎開竅於二陰藏精於腎又云腎主大便大便難者取足少陰夫腎主五液津液潤則大便如常若饑飽失節勞役過度損傷胃氣及食辛熱味厚之物而助火邪伏於血中耗散真陰津液虧少故大便秘結燥然結燥之病不一有熱燥有風燥有陽結有陰結又有年老氣虛津液不足而結燥者治法云腎惡燥急食辛以潤之結者散之如少陰不得大便以辛潤之太陰不得大便以苦泄之陽結者散之陰結者溫之仲景云小便利而大

便鞭不可攻下以脾約丸潤之食傷太陰腹滿而食不化腹響然不能大便者以苦藥泄之如血燥而不能大便者以桃仁酒製大黃通之風結燥而大便不行者以麻子仁加大黃利之如氣澀而大便不通者以榔李仁枳實皂角仁潤之大抵治病必究其源不可一藥用巴豆牽牛之類下之損其津液燥結愈甚復下復結極則以至導引於下而不通遂成不救噫可不慎哉

關則不得小便

陽極自天而降是行陰道乃西方之氣膏梁之物下泄是也極則陰道不行反閉於下故不得小便是天之氣不得下通也逆而上行反行陽道故血脈凝滯而不通則人迎之脈大四倍於氣口此濁氣反行清道也故曰關

酒毒小便赤澀宜五苓散

若熱在中焦未入太陽之本小便自利而清是津液已行若與五苓散利之是重澀腎水也不惟重澀腎水酒毒之熱亦不能去故上下不通而溺澀則為發黃也若入血室則為蓄血也

王履澹洞集

小便原委論

或問余曰靈樞經云水穀者常并居胃中成糟粕而俱下於大腸而成下焦滲而俱下清泌別汁滲入膀胱而滲入膀胱焉王冰曰水液自同腸泌別汁滲入膀胱之中胞氣化之而為溺以泄出也楊介云水穀自小腸盛受於闌門以分別也其水則滲灌入於膀胱上口而為澀便詳已上三說則小便即泌別之水液

滲入膀胱以出者也素問則曰飲入於胃遊溢精氣上輸於脾脾氣散精上歸於肺通調水道下輸膀胱則小便又似水飲精微之氣上升脾肺運化而後成者也彼此不同將何所憑乎余曰憑夫理耳且夫澀溺者果何物耶水而已矣水之下流其性則然也故飲入於胃其精氣雖上升其飲之本固不能上升體也既不能上升則豈可謂小便獨為氣化所成者哉惟其不能上升必有待於能上升者為之先導故又曰膀胱者津液藏焉氣化則能出矣且水者氣之子

氣者水之母氣行則水行氣滯則水滯或者又謂小便純由泌別不由運化蓋不明此理也雖然膀胱固曰津液之腑至於受盛津液則又有胞而居膀胱之中焉故又曰胞移熱於膀胱靈樞曰膀胱之胞薄以儒類纂曰膀胱者胞之室且夫胞之居於膀胱也有上口而無下口津液既盛於胞無由自出必因乎氣化而後能漸浸潤於胞外積於胞下之空處遂為溺以出於前陰素問所謂膀胱津液藏焉者蓋舉膀胱以該胞也若曰胞下無空處則人溺急時至廁安能即出乎夫惟積滿胞下空處而不可再容故急急則至則即出矣或言胞有下口而無上口或言胞上下皆有口或言胞有小竅而為注泄之路不亦妄歟朱震亨心法

燥結

燥結血少不能潤澤理宜養陰凡人五味之秀者養臟腑諸陽之濁者歸大腸大腸所以司出而不納也今停蓄遺結獨不疎導何哉抑有由矣邪入裏則胃有燥糞三焦伏熱則津液中乾

此大腸挾熱然也虛人臟冷而血脉枯老人臟寒而氣道澀此大腸之挾冷然也亦有腸胃受風潤燥祕澀此證以風氣畜而得之若夫氣不下降而穀道難噫逆泛滿必有其證矣

脾約丸論

成無己曰約者結約之約又約束之約胃強脾弱約束津液不得四布但輸膀胱故小便數而大便鞭故曰脾約與此丸以下脾之結燥潤腸結化津液入胃則大便利小便少而愈矣愚竊有疑者既曰脾約脾弱不能運也脾弱則土虧矣必脾氣之散脾血之耗原其所由久病大下大汗之後陰血枯槁內火燔灼熱傷元氣又傷於脾而成此證傷元氣者肺金受火尅氣無所攝傷脾者肺為脾之子肺耗則津竭必竊母氣以自救金耗則木寡於畏土欲不傷不可得也脾失轉輸之令肺失傳導之官宜大便秘而難下小便數而無藏畜也理宜滋養陰血使孤陽之火不熾而金行清化木邪有制脾土清健而運行津液津液入胃則腸潤而通矣今以大黃為君枳實厚朴為臣雖有芍藥之養血麻仁杏仁之溫潤為之佐使用之熱甚而氣實者無有不安思恐西北二方地氣高厚人稟壯實者可用若用之東南之人內熱自甚而血氣不實者雖得暫通將見脾愈弱而愈燥矣後之用此方者須知在西北以開結為主在東南以潤燥為主慎勿膠柱而鼓瑟可也

論通大便禁忌
予觀古方通大便皆用降氣品劑蓋肺氣不降則大便難傳送用杏仁枳殼沉香訶子等是也又老人虛

人風人津液少而祕者宜以藥而滑之用胡麻仁阿膠等是也如妄以峻利藥逐之則津液走氣血耗雖暫通而即祕矣必更生他病昔王少府患此疾有人以駭藥利之者累矣後為肺痿咯膿血卒至不通而死

小便不禁

小便不禁者屬熱屬虛熱者五苓散加解毒虛者五苓加四物

小便不禁有虛熱虛寒之分內虛寒自汗者祕元丹三因非子丸

內虛濕熱者六味丸或八味丸加杜仲骨脂五味老人宜八味丸減澤瀉為妙

因看虛家醫鏡見此一藥味數分兩同惟丹砂用伏火者及治病有差所治者小便數而不禁怔忡多忘驚夢不已不同耳見其不同審而詳之乃得此治法不差且泛論之經言腎主大便肝主小便淋瀝難經云小腸為赤腸是面赤色及便溺色赤皆出心與小腸南方赤色顯於外也經言下焦如瀆者正謂大小便也大便為陰為有形氣化乃下焦之下者也謂腎主大便不言大腸者明子行父道為腎臟病小便為陽為無形氣化乃下焦之高者也謂肝主小便淋瀝亦是子行父道為腑病凡諸無形氣化者皆腑病所主諸有形氣化者皆臟病所主此二證俱在下焦則同但有形無形及在腑在臟有殊俱是丹田衰敗不言心火者以其相火代行君之政令故也細分之則膀胱壬水勝丙火小腸者不傳入陰故為泄血泄血利不禁為有形質病且不傳陰則陰不病何為有形

病此為陰之體也為腑之用也天地陰陽互為體用以斯可見是明五臟為六腑所用六腑為五臟所用明矣是有形皆為傳陰大小便不禁是膀胱不禁為遺溺此不傳陰是丹田胞絡受寒為壬所尅大抵諸腑皆乘有形有病者皆在腑實其所乘皆在臟也用伏火丹砂者去其寒性耳治法同者以其俱在下焦補諸無形同在胞絡耳以其胞與腎相對有渠相通故也腎主大便肝主小便所治安得不殊經曰腎肝同歸一治又曰少陽主骨所生病漫便難膀胱主筋所生病亦可知也小便不禁茯苓湯下大便不禁米飲下

小便不通

小便不通有氣虛血虛有痰風閉實熱氣虛用參芪升麻等先服後吐或參芪藥中探吐之血虛四物湯先服後吐或芎歸湯中探吐亦可痰多二陳湯先服後吐已上皆用探吐若痰氣閉塞二陳湯加木通香附探吐之以提其氣氣升則水自降蓋氣承載其水也有實熱者當利之砂糖湯調牽牛末二三或山梔之類有熱有濕有氣結於下宜清宜燥宜升腎主水膀胱為之腑水瀦於膀胱而泄於小腸實相通也然小腸獨應於心者何哉蓋陰不可以無陽水不可以無火水火既濟上下相交此榮衛所以流行而水竇開闢所以不失其司耳惟夫心腎不交陰陽不調故內外關格而水道澀傳送失度而水道滑熱則不通冷則不禁其熱盛者小便閉而絕無其熱微者小便難而僅有腎與膀胱俱虛客熱乘之故不能制水水挾熱而行澀是以數起而溺有餘澀腎與膀胱俱冷內氣不充故胞中自滑所出多而色白是以遇夜陰盛愈多矣小便澀滑又當調適其氣

明虞搏醫學正傳

秘結論

內經曰北方黑色入通於腎開竅於二陰藏精於腎夫腎主五液故腎實則津液足而大便滋潤腎虛則津液竭而大便燥結原其所由皆房勞過度飲食失節或恣飲酒漿過食辛熱飲食之火起於脾胃淫慾之火起於命門以致火盛水虧津液不生故傳道失常漸成結燥之證是故有風燥有熱燥有陽結有陰結有氣滯結又有年高血少津液枯涸或因有所脫血津液暴竭種種不同固難一例而推焉經云腎惡燥急食辛以潤之以苦泄之陽結者散之陰結者溫之大法治燥者潤之以大黃當歸桃仁麻子仁柳李仁之類風燥者加以防風羌活秦艽皂莢之類九以煉蜜取其潤燥以助傳導之勢故結散而疎通矣仍多服補血生津之劑助其真陰固其根本庶無再結之患切勿以巴豆牽牛等峻劑攻下雖暫得通快必致再結愈甚反釀成病根膠固卒難調治或有血虛脈大如葱管發熱而大便結燥者甚不可發汗汗之則重亡津液閉結而死此醫殺之耳活人書有脾約證謂胃強脾弱約束津液不得四布但輸膀胱故小便數而大便難制脾約丸以下脾之結燥使腸潤結化津流入胃而愈

小便赤澀

汗多而小便赤澀暑月多有此證盛暑所飲既多小便反澀少而赤緣上停為飲外發於汗津道不通小

腸澀閉則水不運下五苓散一名導逆內有木桂收汗猪苓澤瀉茯苓分水道收其在外者使之內又從而利導焉發者斂之壅者通之義取於此然有虛勞汗多而小便赤澀者却是五內枯燥滋腴既去不能生津故溺澀而赤不宜過用通小便之劑竭其腎水惟當溫養潤肺十全大補湯養榮湯之類選用

汗者心液心主血養血則心得所養汗止津生不待通溺而自清矣諸失精血及患癰毒人忽有小便赤澀之證此亦是枯竭不潤之故

戴思恭證治要訣

大便祕

有風祕冷祕氣祕熱祕又有老人津液乾燥是名虛證婦人分產亡血及發汗利小便病後血氣未復皆能作祕俱宜麻仁丸風祕之病由風搏肺臟傳於大腸故傳化難或其人素有風病者亦多有祕宜小續命湯去附子倍芍藥入竹瀝兩蜆殼許實者吞脾約麻仁丸虛者吞養正丹冷祕由冷氣橫於腸胃凝陰固結津液不通胃道祕塞其人腸內氣攻喜熱惡寒宜藿香正氣散加枳殼官桂各半錢吞半硫丸熱藥多祕惟硫黃煖而通冷藥多泄惟黃連肥腸而止泄氣祕由氣不升降穀氣不行其人多噫宜蘇子降氣湯加枳殼吞養正丹或半硫丸來復丹未效佐以木香檳榔丸欲其速通則枳殼生用

熱祕面赤身熱腸胃脹悶時欲得冷或口舌生瘡此由大腸熱結宜四順清涼飲吞順腸丸或木香檳榔丸有氣作疼大腸祕結用通劑而便愈不通又有祕氣強飲通之雖通復閉或迫之使通因時下血者此

惟當順氣氣順便自通順氣之法又當求溫煖之劑曾有下巴豆等藥不通進丹附却通不可不知

老人虛祕反出汗利小便過多一切病後血氣未復而祕者宜蘇子降氣湯倍加歸吞威靈仙丸或肉黃飲從蓉順腸丸尤宜

宿食留滯結而不通腹脹氣急胃中痞滿宜威應丸加巴豆

凡諸祕服藥不通或兼他證不受藥者用蜜皂角導冷祕生薑導亦佳

閉癰

古名曰癰者罷也不通為癰不約為遺小便滴瀝澀痛者謂之淋小便急滿不通者謂之閉宜五苓散燈心湯調服暑月多有此患止宜本藥閉而不通臍下脹為癰閉以燈心湯調五苓散或洗慈湯調獨味琥珀末仍令其以鹽填臍下更滴之以水

若服涼藥不效審是冷祕宜炒鹽熨其小腹或洗慈湯熏洗有腹急而小便不通急用通劑愈甚宜以鹽實臍中就鹽上灼艾十來壯

頻數遺尿

小便多者乃下元虛冷腎不攝水以致滲泄宜菟絲子丸八味丸元免丹生料鹿茸丸

有人每日從早至午前定尿四次一日之間又自無事此腎虛所致亦猶脾腎泄早泄而晚愈次日又復然者也

若小便常急頻數雖多而所出常少放了復急不澀痛却非淋證亦有小便畢少頃忽再出些少者多因自忍尿或忍尿行房事而然宜生料五苓散減澤瀉

之半加阿膠一錢吞八味丸此丸須用五味子者睡著遺尿者此亦下元冷小便無禁而然宜大菟絲子丸猪苓炙碎煎湯下

有盛喜致小便多日夜無度乃喜極傷心心與小腸為表裏宜分清飲四七湯各半貼和煎仍以辰砂妙香散吞小菟絲子丸或元免丹

小便不禁出而不覺赤者有熱白者氣虛也

王綸明醫雜著

不禁頻數

小便不禁或頻數古方多以為寒而用溫澀之藥殊不知屬熱者蓋膀胱火邪妄動水不得寧故不能禁而頻數來也故年老人多頻數者是膀胱血少陽火偏旺也治法當補膀胱陰血瀉火邪為主而佐以收澀之劑如牡蠣山茱萸五味子之類不可用溫藥也病本屬熱故宜瀉火因水不足故火動而致小便多小便既多木益虛矣故宜補血瀉火治其本也收之澀之治其標也

閉癰

閉癰合而言之病也分而言之有暴久之殊蓋閉者暴病為溺閉點滴不出俗名小便不通是也癰者久病為溺癰淋瀝點滴而出一日數十次或百次各淋病是也

小便不通腹下痛狀如覆碗痛悶難忍者乃腸胃乾澀腹中氣不下故經所謂膀胱者州都之官津液藏焉氣化則能出矣故腹中者臣使之官三焦相火腎為氣海也王註曰膀胱津液之腑胞內居之處少腹

間毛內若得氣海之氣施化則澀便注下氣海之氣不及則隱秘不通故不得便利也先用木香沉香各三錢酒調下或八正散甚則宜上湧之令氣通達便自通利經所謂病在下上取之王註曰熱攻於上不利於下氣盛於上則辛溫散之苦以利之

小腹痛脹如覆碗為實其法有二氣壅塞於下者用吐法以提之血瘀於下者用桃仁之類以破之

不利

經云腎合膀胱膀胱者津液之腑也小腸屬腎腎上連肺故將兩臟三焦者中瀆之腑也水液出焉是屬膀胱乃腎之腑也又云膀胱者州都之官津液藏焉氣化則能出矣由是言之膀胱藏水三焦出水治小便不利故刺灸法但取三焦穴不取膀胱也小腸屬腎肺故東垣用清肺飲子滋腎丸利小便便是也

李梴醫學入門

大便燥結

燥有風燥熱燥火燥氣血虛燥詳燥門結有能食脈實數者為陽結不能食脈弦微者為陰結亦有年高氣血虛結者

燥屬少陰津液不足辛以潤之結屬太陰有燥糞苦以瀉之凡結後仍服潤血生津之劑免其再結再通愈傷元氣

濕熱佛鬱心腹脹滿有蟲積者檳榔丸凡燥結有時者為實無時者為虛有藥石毒者大小便閉氣脹如鼓者三和散合三黃湯飲食毒者香連丸胃火者白虎湯

津少因發汗利小便過多及產後失血等證血液枯

者五仁丸腎氣丸大補陰丸或導滯通幽湯加檳榔條芩陳皮氣虛者參仁丸補中益氣湯挾七情者古菴沉丸

臟寒則氣滯臟令則血枯有症癖冷氣結滯者古半硫丸古薑附湯五積散冰冷與之其病雖宜服陽藥若大便不通者當暫與潤劑以微通之不令閉結

七情氣閉後重窘迫者三和散六磨湯服洋畫便難者陳皮杏仁等分蜜丸服脈沉夜便難者換桃仁痰滯不通者二陳湯加枳殼檳榔

傷熱物者三黃丸傷寒物者丁香脾積丸通用大黃

備急丸有脾胃伏火者潤腸丸

燥結當用流行肺氣肺與大腸為表裏故也枳梗湯加紫蘇或蘇子降氣湯或蘇子麻仁黃粥又如脾約證胃強脾弱約束津液不能四布但輪膀胱故小便數而大便難此脾約丸之由制也但脾屬陰虛火燔

金耗則肺失傳化九宜滋陰養血在西北壯實者以脾約丸開結可也東南氣血虛者潤燥為主

通用冷熱熨法淹濟法麻油導法

經曰膀胱不利為癰候其鼻頭色黃者小便必難腎主水畜於膀胱泄於小腸實相通也然腎應於心心火盛則小腸熱結熱微則小便難而僅有熱甚則小便閉而絕無宜清熱生津為主單砂硝散五苓散

下服者加琥珀或單琥珀為末蜜丸人參茯苓煎湯下或搗生車前子自然汁入蜜一匙調服有利大便

行後而小便不利者八正散加木香熱盛莖中澀痛者導赤散加山梔大黃或麻子仁丸冷熱熨法

者導赤散加山梔大黃或麻子仁丸冷熱熨法

者導赤散加山梔大黃或麻子仁丸冷熱熨法

者導赤散加山梔大黃或麻子仁丸冷熱熨法

者導赤散加山梔大黃或麻子仁丸冷熱熨法

者導赤散加山梔大黃或麻子仁丸冷熱熨法

者導赤散加山梔大黃或麻子仁丸冷熱熨法

者導赤散加山梔大黃或麻子仁丸冷熱熨法

者導赤散加山梔大黃或麻子仁丸冷熱熨法

者導赤散加山梔大黃或麻子仁丸冷熱熨法

者導赤散加山梔大黃或麻子仁丸冷熱熨法

者導赤散加山梔大黃或麻子仁丸冷熱熨法

者導赤散加山梔大黃或麻子仁丸冷熱熨法

者導赤散加山梔大黃或麻子仁丸冷熱熨法

虛損入病自汗五內枯燥及諸瘡失血過多入參養榮湯有精竭不痛莖痒八味丸有胃弱不能通調水道下輪膀胱及氣虛四君子湯加黃芪升麻有脾枯亡血及勞傷血虛四物湯氣血俱虛八物湯

痰涎阻滯氣道不通者導痰湯加升麻

忿怒氣結閉遏不通者二陳湯加木香香附木通俱先服一盞後煎查探吐以提其氣氣升則水自降矣

實熱砂糖調牽牛末一二錢探吐

上熱者導赤散加黃連燈心下虛者滋腎丸上盛下虛者清心蓮子飲

虛者清心蓮子飲

虛者清心蓮子飲

虛者清心蓮子飲

實熱乃膀胱火動四苓散合三黃湯加五味子山茱萸少許血虛四苓散合四物湯加山梔升麻

虛乃腎與膀胱氣虛十全大補湯加益智仁或縮泉丸大菟絲子丸二苓丸遇夜陰盛愈多內虛自汗者

祕元丹內虛濕熱者腎氣丸八味丸減澤瀉附子加五味子杜仲故紙倍山茱萸虛寒冷者古桂湯大菟絲子丸加肉桂

勞心不禁者妙香散桑螵蛸散勞役傷脾者補中益氣湯

氣湯

下虛內損則膀胱不約便溺自遺或尿後餘瀝皆火盛水不得寧治宜補膀胱陰血瀉火邪為主而佐以

山茱萸牡蠣五味子之類不可溫藥古方補陰丸最妙婦人產後傷胞小兒胞冷雞胫散散主之

李中梓醫宗必讀

大便不通

玩內經之言則知大便祕結專責之少陰一經證狀

第四四五冊 之〇五葉

第四四五冊 之〇五葉

第四四五冊 之〇五葉

第四四五冊 之〇五葉

第四四五冊 之〇五葉

第四四五冊 之〇五葉

第四四五冊 之〇五葉

第四四五冊 之〇五葉

雖殊總之津液枯乾一言以蔽之也分而言之則有胃實胃虛熱祕冷祕風祕氣祕之分胃實而祕者善飲食小便赤麻仁九十宣丸之類胃虛而祕者不能飲食小便清利厚朴湯熱祕者面赤身熱六脈數實腸胃脹悶時欲得冷或口舌生瘡四順清涼飲潤腸丸木香檳榔丸實者承氣湯冷祕者面白或黑六脈沉遲小便清白喜熱惡冷藿香正氣散加官桂枳殼吞半硫丸氣祕者氣不升降穀氣不行其人多噎蘇子降氣湯加枳殼吞養正丹未效佐以木香檳榔丸風祕者風搏肺臟傳於大腸小續命湯去附子倍芍藥加竹瀝吞潤腸丸或活血潤腸丸更有老年津液乾枯婦人產後亡血及發汗利小便病後血氣未復皆能祕結法當補養氣血使津液生則自通誤用硝黃利藥多致不救而巴豆牽牛其害更速八珍湯加蘇子橘紅杏仁茯苓倍用當歸若病證雖屬陰寒而脈實微躁宜溫煖藥中略加苦寒以去熱躁躁止勿加如陰躁欲坐井中者兩尺按之必虛或沉細而遲但煎理中湯待極冷方服或服藥不應不敢用峻猛之藥者宜蜜煎導之用鹽五分皂角末五分入蜜煎中其功更捷冷祕者嚮生薑導之或於蜜煎中加草烏頭末有熱者猪膽汁導之久虛者如常飲食法煮猪血臟湯加酥食之血仍潤血臟仍潤臟此妙法也每見江湖方士輕用硝黃者十傷四五用巴丑者十傷七八不可不謹也或久而愈結或變為肺痿吐膿血或飲食不進而死

小便閉癰

閉與癰二證也新病為溺閉蓋點滴難通也久病為

溺癰蓋屢出而短少也閉癰之病內經分肝與腎脈三焦與膀胱四經然太陽膀胱但主藏溺其主出溺者皆肝經及督脈及三焦也又考膀胱為州都之官津液藏焉氣化則能出矣夫主氣化者太陰肺經也若使肺燥不能生水則氣化不及州都法當清金潤肺車前紫菀麥冬茯苓桑皮之類如脾濕不運而精不上升故肺不能生水法當燥脾健胃蒼朮白朮茯苓半夏之類如腎水燥熱膀胱不利法當滋腎滌熱黃藥知母茯苓澤瀉通草之類夫滋腎瀉膀胱名為正治清金潤燥名為隔二之治健胃燥脾名為隔三之治又或有水液只滲大腸小腸因而燥竭宜以淡滲之品茯苓猪苓通草澤瀉之類分利而已或有氣滯不能通調水道下輸膀胱者順氣為急枳殼木通橘紅之類有實熱者非與純陰之劑則陽無以化上焦熱者梔子黃芩中焦熱者黃連芍藥下焦熱者黃藥知母有大虛者非與溫補之劑則水不能行如金匱腎氣丸及補中益氣湯是也丹溪嘗曰吾以吐法通小便譬如滴水之器上竅閉則下竅無以自通必上竅開而下竅之水出焉氣虛者補中益氣湯先服後吐血虛者芍歸湯先服後吐痰多者二陳湯先服後吐血閉者香附木通探吐更有瘀血而小便閉者牛膝桃仁為要藥別錄云小便不利審是氣虛獨參湯如神由是觀之則受病之源自非一途若不從望聞問切察之明審之當而浪投藥劑幾何不以人命為戲耶

小便不禁

世俗之治小便不禁者但知補澀而已不知內經論

肝腎膀胱之病不指為何邪所干則知七情六氣皆能為病也又言手太陰虛者為子母相關之病則知所生所勝所不勝之五邪皆足以為病也總其大要而言肺者主氣以下降生水則下輸膀胱者津液藏焉氣化則能出水泉不止者膀胱不藏也此兩經者實為總司肺虛者為上虛當補氣補中益氣湯不愈當以黃蘗生地麥門冬清其熱膀胱虛者為下虛當溫脫桑螵蛸雞脬胫之類挾寒者家韭子丸固脬丸白茯苓散菟絲子散之類滑脫者牡蠣丸挾熱者白薇散或雞腸散更有睡則遺尿皆責之虛所以嬰兒脬氣未固老人下元不足多有此證在嬰兒挾熱者十居七八在老人挾寒者十居七八此又不可不辨也宜大菟絲子丸猪脬炙研碎煎湯送下更須審寒熱而為之活法

傷寒小便不通

已汗復下小便不利心煩小柴胡湯太陽汗後脈浮小便不利微熱而渴五苓散身黃小便不利腹微滿者茵陳蒿湯小便不利大便乍難乍易微熱有燥屎也承氣湯潮熱大便泄小便不利柴苓湯風濕自汗身重小便不利甘草附子湯熱鬱不通田螺搗碎硝少加麝貼臍上寒鬱不通炒鹽熨臍下

傷寒小便數

小便數頻來而短少也太陽汗吐後小便數譫語調胃承氣湯太陽自汗四肢拘急心煩微惡寒小便數甘草乾薑湯芍藥甘草湯

薛己醫案

小便證治

經曰膀胱不約爲遺溺小便不禁常常出而不覺也人之洩溺賴心腎二氣之所傳送蓋心與小腸爲表裏腎與膀胱爲表裏若心腎氣虧傳送失道故有此證治宜溫煖下元清心寡慾又有產育不順致傷膀胱若內虛寒者祕元丹韭子丸之類若內虛濕熱者六味地黃丸或加五味杜仲補骨脂年老者八味丸產育收生不謹損破尿胞者參朮補胞湯加猪羊胞煎之竊謂肝主小便若肝經血虛用四物山梔若小便澀滯或莖中作痛屬肝經濕熱用龍膽瀉肝湯若小便頻數或勞而益甚屬脾氣虛用補中益氣湯加山藥五味若小便無度或淋瀝不禁乃陰挺痿痹也用六味地黃丸若小便澀滯或補而益甚乃膀胱熱結也用五淋散其脾肺燥不能化生者黃芩清肺飲膀胱陰虛陽無所生者滋腎丸膀胱陽虛陰無所化者六味丸若陰痿思色精不出莖道澀痛如淋或加減八味丸料加車前牛膝若老人精竭復耗大小便牽痛如淋亦用前藥不應急加附子多有生者肝火不能約制而小便自遺或不利證若服燥劑而頻數或不利用四物麥門五味甘草若數而黃用四物加山茱萸黃蘗知母五味麥門若脾虛而短少用補中益氣加山藥麥門若陰挺痿痹而頻數用地黃丸若熱結膀胱而不利用五苓散若脾肺燥不能化生用黃芩清肺飲若膀胱陰虛陽無以生而淋瀝用滋腎丸若膀胱陽虛陰無以化而淋瀝用六味丸若轉筋小便不通或喘急欲死不問男女孕婦急用八味丸緩則不救若老人陰痿思色精不出而內敗小便道澀痛如淋用加減八味丸料加車前牛膝若老

人精已竭而復耗之大小便道牽痛愈痛愈欲便愈便則愈痛亦治以前藥不應急加附子若喘嗽吐痰腿足冷腫腰骨大痛面目浮腫太陽作痛亦治以前藥若痛愈而小便仍澀宜用加減八味以緩治之

欽定古今圖書集成博物彙編藝術典

第二百八十五卷目錄

醫部彙考二百六十五

大小便門二

趙獻可醫真 大便不通 小便不通并不禁滯

張介賓景岳全書 禁閉論 論治 遺溺不

陳士鐸石室秘錄 大便燥結 小便不通

方一 麻仁丸 二仁丸 皂角丸 疎風散

活血調經丸 小承氣湯 大黃飲子 小通氣散

仙九 從容潤腸丸 導滯通便丸 益血調經丸

中九 神功丸 潤腸丸 三白散 萬全木

通散 神效除痰湯 導滯丸 地帶子湯

宣氣散 導氣除痰湯 導滯丸 地帶子湯

散 倒換散 通關散 縮泉丸 五子丸 家

韭子丸 參茸湯 健腦散 大慈梅子丸

石二黃湯 五桑丸 五桑丸 五桑丸 五桑丸

又方 芒硝丸 又方 通商丸 又方 煥腎

升陽瀉濕湯 調腸湯 又方 白雲散 又方 黃

又方 通關丸 又方 草蜜湯 補黃湯

藝術典第二百八十五卷

醫部彙考二百六十五

大小便門二

明趙獻可醫真

大便不通

腎虛後重者數至圊而不能便必莖中痛或大便不能得而小便先行而澀或欲小便而大便反欲去而痛獨猪氏精血論中云精已耗而復竭之則大小便道壅痛愈痛則愈便愈便則愈痛須以補中益氣湯

倍升麻送四神丸又以八味地黃丸料加五味吳茱萸補腎脂肉豆蔻多服乃效此等證候以利藥致損元氣肢體腫脹而斃者不可枚舉腎既主大小便而司開闔故大小便失職者責之腎即此推之然則大便不通者獨非腎乎金匱真言論云北方黑氣入通於腎開竅於二陰故腎氣虛則大小便難宜以地黃從容車前子茯苓之屬補其陰利水道少佐辛藥開腠理致津液而潤其燥潔古云臟腑之祕不可一槩治療有熱祕有冷祕有實祕有虛祕有風祕有氣祕老人與產後及發汗利小便過多病後氣血未復者皆能成祕禁用硝黃巴豆牽牛等藥世人但知熱祕不知冷祕冷祕者冷氣橫於腸胃凝陰固結津液不通胃氣閉塞其人腸內氣攻喜熱惡冷宜以八味地黃丸料大劑煎之冷飲即愈或局方半硫丸碾生薑調乳香下之或海藏已寒丸俱效海藏云已寒丸雖熱得芍藥茴香潤劑引而下之陰得陽而化故大小便自通如遇春和之陽冰自消矣然不若八味丸更妙也東垣云腎主五液津液盛則大便如常若饑飽勞役損傷胃氣及辛熱厚味而助火邪伏於血中耗散真陰津液虧少故大腸結燥又有老年氣虛津液衰少而結者腎惡燥急食辛以潤之是也予嘗法體東垣之論不用東垣之方如潤腸丸潤燥湯通幽散之類俱不用惟用六味地黃丸料煎服自愈如熱祕而又兼氣虛者以前湯內加參芪各五錢立愈此因氣虛不能推送陰虛不能濡潤故耳已上治法予嘗親試而必驗且又不犯大黃桃仁枳殼等破氣破血之禁可以久服永無祕結故表而出之或問曰何為

不用四物湯曰四物湯特能補血耳此是先天津液不足故便難經曰大腸主津小腸主液又曰腎主五液津液皆腎水所化與血何干故不用四物湯或又問曰如乾結之甚硝黃亦可暫用否曰承氣湯用硝黃乃為傷寒從表入裏寒變為熱熱入三陰恐腎乾枯故用硝黃以逐去外邪急救腎水余獨禁用者乃是論老人虛人及病後人腎水原不足以致乾枯若再用硝黃等藥以下之是虛其虛雖取一時之快後必愈結再下之後日雖鐵石亦不能通矣倘有患此者當勸慰之勿令性急自取危殆况老人後門固者壽考之徵自是常事若以六味八味常服永保無虞

小便不通并不禁論

漫溺不通匪細故也小腹急痛狀如覆碗奔迫難禁期朝不通便令人嘔名曰關格又日不通而斃矣今人一見此證却用五苓散之外束手待斃若鹽熨丹田蠅蛄田螺卷臍之法抑末也若津液偏滲於腸胃大便泄瀉而小便不通者宜五苓分利之若水停心下不能下輸膀胱者亦用五苓滲泄之若六腑客熱轉於下焦而不通者用益元散以清之若氣迫閉塞升降不通者宜升麻以提之或探吐之譬如水注之氣上竅開而下竅通也

經曰膀胱者州都之官津液藏焉氣化則能出矣又曰三焦者決瀆之官水液出焉可見膀胱但能藏水必待三焦之氣化方能出水有服附子熱藥太過消盡肺陰氣所不化用黃連解毒而通者有用茯苓陳皮甘草湯送下水香沉香末而通者此皆氣化之驗也已上治法皆有餘之證謂膀胱中原有水或為熱

結或氣閉有水可通而通之也至於不通之證乃虛勞汗多五內枯燥脂腴既去不能生津勝胱中原無水積而欲通之如何乞人而求食已窮而益窮矣故東垣分在氣在血而治之以渴與不渴辨之如渴而小便不利此屬上焦氣分水生於金肺熱則是清化之源絕矣當於肺之分助其秋令水自生焉如天令至秋白露降須用清金之藥如生脈散之類為當又有肺虛者蓋因飲食失節傷其胃氣陷於下焦經所謂脾胃一虛令人九竅不通用補中益氣湯以參芪

甘溫之品先調其胃氣以升柴從九原之下而提之則清升而濁自降矣清肺者隔二之治也補脾者隔三之治也東垣虛則補母之妙用類如此此皆滋後天之化源者如不渴而小便不利此屬下焦血分下焦者腎與膀胱也乃陰中之陰陰受熱閉塞其下流經曰無陽則陰無以生無陰則陽無以化若淡滲之藥乃陽中之陰非純陰之劑陽何以化須用滋腎丸此氣味俱陰乃陰中之陰也東垣先生治一人目睛突出腹脹如鼓膝已上堅硬皮膚欲裂飲食不下便祕危急者精思半夜而得之投之即愈此是陰虛陽無以化也蓋至於真陽真陰虛者東垣未之論如有真陰虛者惟六味地黃丸以補腎水滋腎丸又所當禁黃蘗知母恐其苦寒泄水又忌淡味滲泄之藥有真陽虛者須八味丸褚氏云陰已萎而思色以降其精則精不出而內敗小便道澀如淋精已耗而復竭之則大小便道牽痛愈痛則愈便愈便則愈痛戴氏云有似淋非淋便中有如鼻涕之狀此乃精溺俱出精塞溺道故欲出不能而痛宜大菟絲子九鹿茸丸

戴氏亦得褚氏之法也若至於轉筋喘急欲死不問男女孕婦產後急用八味丸料煎飲緩則不救或疑桂附辛熱不敢輕用豈知腎氣虛寒水寒冰凍之義得熱則流通含此更有何物能直達膀胱而使雪消春水來耶

丹溪治一老人患小便不利因服分利之藥太過遂致祕塞點滴不出予以其胃氣下陷用補中益氣湯一服而通因先多用利藥損其腎氣遂致通後遺尿一夜不止急補其腎然後已凡醫之治是證者未有用泄利之劑誰能固其腎氣之虛哉予特表之為世戒後若有善法丹溪者已明知其肺虛矣乃以補中益氣湯送腎氣丸豈不上下相須于母相益耶靈樞言手太陰之別名曰列缺其病虛則欠呿小便遺數肺為上焦通調水道下輸膀胱腎又上連肺故將兩臟是子母也母虛子亦虛自然之理東垣云小便遺失肺金虛也宜安臥養氣禁勞役以黃芪人參之類大補之不愈當責之腎經曰膀胱不約為遺溺仲景云下焦竭則遺溺失便又云下焦不歸則遺溺蓋下焦在膀胱上口主分別清濁漫便下焦不歸其部不能約制漫便故遺溺大抵天暖衣厚則多汗天冷衣薄則多溺多溺者寒也至於不禁虛寒之甚非八味丸不效古方如菟絲子九鹿茸丸二氣丹俱可選用戴氏云睡著遺尿者此亦下元冷小便無禁而然宜大菟絲子九猪胞炙碎煎湯下凡遺尿皆屬虛劉河間謂熱甚客於腎部干於足厥陰之經廷孔醫結甚而氣血不能宣通則痿痺神無所用故津液滲入膀胱而漫溺遺失不能收禁也即內經淫氣遺溺痹

聚在腎此係熱證不可不知考之薛按有因勞發熱作渴小便自遺或時閉澀余作肝火血虛陰挺不能約制午前補中益氣湯加山藥山茱萸午後六味丸月餘悉退大抵不禁之病虛火多而實熱少倘以虛證誤投瀉火頃刻危殆慎之景岳全書 臣張介賓著

癰閉論證

小便不通是為癰閉此最危最急證也水道不通則上侵脾胃而為脹外侵肌肉而為腫泛及中焦則為嘔再攻上焦則為喘數日不通則奔迫難堪必致危殆今人一見此證但知利水或用田螺蜆臍之法而不辨其所致之本無怪其多不治也凡癰閉之證其因有四最當辨其虛實有因火邪結聚小腸膀胱者此以水泉乾涸而氣閉不通也有因熱居肝腎者則或以敗精或以積血阻塞水道而不通也若此者本非無水之證不過癰閉而然病因有餘可清可利或用法以通之是皆癰閉之輕證也惟是氣閉之證則尤為危候然氣閉之義有二焉有氣實而閉者有氣虛而閉者夫膀胱為藏水之腑而水之入也由氣以化水故有氣斯有水水之出也由水以達氣故有水始有溺經曰氣化則能出矣蓋有化而入而後有化而出無化而出必其無化而入是以出入皆由氣化此即本經氣化之義非單以出者言氣化也然則水中有氣氣即水也氣中有水水即氣也今凡病氣虛而閉者必以真陽下竭元海無根水火不交陰陽否隔所以氣自氣而氣不化水水

自水而水蓄不行氣不化水則水臍枯竭者有之水蓄不行則浸漬腐敗者有之氣既不能化而欲強爲通利果能行乎陰中已無陽而再用苦寒之劑能無甚乎理本甚明也至若氣實而閉者不過肝強氣逆移礙膀胱或破其氣或通其滯或提其陷而壅者自無不去此治實者無難而治虛者必得其化爲不易也故凡臨此證不可不詳辨其虛實

論治

火在下焦而膀胱熱閉不通者必有火證火脈及溺管疼痛等證宜大分清飲抽薪飲益元散玉泉散及菴豆飲之類以利之若肝腎實火不清或遺濁或見血者大都清去其火水必自通前法俱可通用氣閉證當分虛實寒熱而治之凡氣實者氣結於小腸膀胱之間而壅閉不通多屬肝強氣逆之證惟暴怒鬱結者多有之宜以破氣行血爲主如香附枳殼烏藥沉香茴香之屬兼四苓散而用之若氣陷於下藥力不能驟及者當即以此藥多服探吐以提其氣使氣升則水自降也有痰氣逆滯不通者即以二陳湯六安煎之類探吐之有熱閉氣逆者即以大分清飲探吐之有氣實血虛而閉者用四物湯探吐之凡氣實等證無如吐之爲妙譬之滴水之器閉其上竅則下竅不通開其上竅則下竅必利蓋有升則有降此理勢之使然也凡氣虛而小便閉者必以素多斷喪或年衰氣竭方有此證正以氣有不化最爲危候然凡病此者必有漸但覺小便短少或便時費力便當留心速治若待其劇恐無及也但治此者亦當辨其臟氣之寒熱若素無內熱之氣者是必陽虛無

疑或病未至甚須當用左歸右歸六味八味等湯丸或壯水以分清或益火以化氣隨宜用之自可漸杜其原若病已至甚則必用八味丸料或加減金匱腎氣湯大劑煎服庶可挽回或疑桂附辛熱不敢輕用豈知下元陽氣虧甚得寒則凝得熱則行舍此二者更有何物可以直達膀胱而使水因氣化也若氣虛下陷升降不利者宜補中益氣湯主之或即用此湯探吐之最妙若素稟陽臟內熱不堪溫補而小便閉絕者此必真陰敗絕無陰則陽無以化水虧證也治宜補陰抑陽以化陰煎之類主之或偏於陽亢而水不制火者東垣滋腎丸亦可但此即火證之屬耳大小便俱不通者必先通其大便則小便自通矣宜八正散之類主之

久服桂枝之屬以致水虧陽亢而小便不通者互解毒壯水以化陰煎之類主之甚者以黃連解毒湯加分利滋陰等藥亦可惟紫豆飲爲解毒之神劑其有因久服陽藥作用過多火本不盛單由水虧者非六味地黃湯大劑滋之不可也

服分利既多而小便愈不通者此必下竭之證察其水虧者必須大補真陰火虛者必須峻補陽氣達水行其便自調不可見其假實恣意疏通此與榨乾汁涕枯油者何異致令竭者愈竭鮮不危矣

膀胱無水等證有因泄瀉水歸大腸而小便不通者此當但治泄瀉止而水自利也有因大汗多汗氣從汗泄而小便不利者此當調治營衛表氣收而小便自利也有虛勞亡血傷精水隨液去五內枯燥而小便不利者此當調補真陰血氣漸充而小便漸

利也凡此數者皆膀胱無水枯涸之證不可再加分利惟泄瀉證亦有可分利者亦不過十之三耳諸證皆非有水不通而爲癰閉當於各門求治

懷妊之婦每有小便不通者此以胎氣下陷溺孔被壓而然多以氣虛不能舉胎所致宜八珍湯補中益氣湯之類主之

若臨盆之際胎壓膀胱而小便不通者宜以手指托起其胎則小便自出

遺溺不禁論證

遺溺一證有自遺者於睡中而遺失也有不禁者以氣門不固而頻數不能禁也又有氣脫於上則下焦不約而遺失不覺者此虛極之候也總之三者皆屬虛證但有輕重之辨耳若夢中自遺者惟幼稚多有之俟其氣壯而自固或少加調理可愈無足疑也惟水泉不止膀胱不藏者必以氣虛而然蓋氣爲水母水不能蓄以氣始能固也此失守之兆大非所宜甚至氣脫而遺無所知覺則尤其甚者此惟非風證及年衰氣弱之人或大病之後多有之仲景曰下焦竭則遺溺失禁此之謂也

古方書論小便不禁有屬熱屬虛之辨不知不禁乃以小便太利者皆屬虛寒何有熱證若因熱而小便頻數其證則淋漓點滴不能禁止而小便必不利且或多痛澀方是熱證自有淋濁門治法非遺失也倘以虛寒誤認爲熱而妄投瀉火之藥無不殆矣

論治

凡治小便不禁者古方多用固澀此固宜然然固澀之劑不過固其門戶此亦治標之意而非塞源之道

也蓋小水雖係於腎而腎上連肺若肺氣無權則腎水終不能攝故治水者必須治氣治腎者必須治肺宜以參芪歸木桂附乾薑之屬爲之主然後相機加以固澀之劑爲之佐庶得治本之道而源流如度否則徒障狂瀾終無益也余制有鞏隄丸方治無論心脾肺腎之屬皆宜以此爲主治

脾肺氣虛不能約束水道而病爲不禁者此其咎在中上二焦宜補中益氣湯理中湯溫胃飲歸脾湯或四味回陽飲之類加固澀等劑主之如不見效當責之腎若肝腎陽氣虧敗則膀胱不藏而水泉不止此其咎在命門宜右歸飲大補元煎六味回陽飲甚者以四維散之類主之或加固澀爲佐亦可或用集要四神丸或八味地黃丸去澤瀉亦可

凡睡中遺溺者此必下元虛寒所以不固宜大菟絲子丸家韭子丸五子丸縮泉丸之類主之其有小兒從幼不加檢束而縱肆常遺者此慣而無憚志意之病也當責其神非藥所及或因縱以致不固者亦當治之如前宜用猪羊瘦肝炙脆煎湯送下前藥更妙凡因恐懼輒遺者此心氣不足下連肝腎而然宜大補元煎歸脾湯五君子煎之類主之

古方壯陽固澀等劑如茴香益智丸二氣丹固脾丸秘元丹牡蠣丸濟生菟絲子丸固真散皆可隨宜擇用

石室祕錄 臣陳士鐸著

大便燥結

乾燥火熾大腸陰盡遂至糞如羊屎名爲腸結不治之證也然而陰盡則宜死今不死而腸結是陰猶未

盡也眞陰一日不盡則一日不死一線不絕則一線可生吾有奇方專補其陰使陰生而火息陰旺則腸寬也方用生陰開結湯熟地二兩元參當歸各一兩生地牛膝麥冬山茱萸肉從蓉酒洗淡各五錢山藥三錢水煎服一連數劑腸結可開糞即不如羊屎矣可望再生然必須日日一劑三月終改用六味地黃湯或不用湯而用丸調理歲餘永無結腸之苦也

大便閉結者人以爲大腸燥甚誰知是肺氣燥乎肺燥則清肅之氣不能下行於大腸而腎經之水僅足以自顧又怎能旁流以潤溪澗哉方用熟地元參各三兩火麻子一錢升麻二錢牛乳一椀水二鍾煎六分將牛乳同調一椀服之一劑不解二劑必大便矣此方之妙全在不潤大腸而補腎尤妙不止補腎而且補肺更妙不止補肺而且升肺蓋大腸居於下流最難獨治必須從腎經以潤之從肺經以清之氣既下行沉於海底非用升提之法則水注閉塞而不通啓其上孔則下孔自然流動此下病治上法亦腑病臟治之法也其餘治腑之法可即以此悟

凡久病之後或大便一月不通不必性急止補其真陰使精足以生血血足以潤腸大便自出方用熟地元參當歸各一兩川芎五錢火麻仁一錢蜜半甌大黃一錢桃仁十箇紅花三分水煎服此方妙在用熟地元參當歸以生陰血少加麻仁大黃以潤腸下行此未治法雖閉結而不亟亟以通之也

大便不通亦多實證此方治實證者實有奇效方用大黃五錢當歸尾一兩升麻五分蜜半甌水煎服大黃泄利用當歸潤之仍以爲君雖泄而不十分過猛

不至有亡陰之弊况有升麻以提之則泄中有留又何必過慮哉

小便不通

凡久病後小便點滴不出乃腎氣不能行於膀胱也補腎氣則小便自出方用熟地一兩山茱萸四錢茯苓二錢車前子澤瀉肉桂丹皮山藥各一錢水煎服此方妙在不去通小便而專治腎水腎火蓋腎中有火而膀胱之氣化自行不逼小便而小便自通矣小便不通乃膀胱之氣化不行治膀胱之經而已矣然而治法全不在治膀胱也方用人參蓮子茯苓車前子王不留行各三錢白果二十箇甘草一錢肉桂三分水煎服一劑即如注此方之奇妙全在用人參其心包絡之氣也膀胱必得心包絡之氣下行而水路始能出尤妙用白果二十箇人多不識此意白果通任督之脈又走膀胱引參桂之氣直奔於膀胱之中而車前子王不留行盡是洩走之物各隨之趨出於陰器之口此腑治之妙法也

燥證乾甚小腸細小不能出便脹甚欲死者亦不治之證也而吾欲治之者何蓋小腸之開闔小腸不得而司令腎操其權也倘徒治小腸則小腸益虛失其傳道之官而脹且益甚我今不治小腸而專治腎則腎氣開小腸亦開也方各治本消水湯熟地二兩山茱萸麥冬各一兩車前子茯苓各五錢北五味二錢牛膝劉寄奴各三錢水煎服一劑小通再劑腸寬小便如注矣方用熟地山茱萸以補腎麥冬五味補肺氣以使清肅之氣下行於膀胱茯苓車前分消水勢